

91

SU PEDIDORE

Fit tantu lamsu, de proffessione,  
teniat s'arte de su pedidore;  
si pesaiat a su primu albore,  
e si 'estiat bene de istrazzone.

Si che sezziat in su muraglicno,  
de sa piatta 'e Cheja Mazzore,  
sempre in piantu, in lamentu, in dolore,  
in sas carrelas, e in pultescione.

Nisciunu bi creiat, cun cuss'arte,  
s'hat balanzadu chime miliones,  
su 'inari teniat postu a parte.

Est mortu 'e disigura in un'istalla:  
su tesoro coidu in sos calzones;  
arrazza 'e impiegu...Colpu 'e balla!!

SA DENTIERA

Cando nd'est ruttu a l'ultimu caninu,  
mandigaiat sempre a sa lezzera,  
manzanu e sero ai cussa manera,  
'ogni die pulenta e simulinu.

Com'est ferradu a nou, Costantinu,  
su dentista l'hat fattu sa dentiera;  
cando riet, sa zente furistera  
lu lean pro Rodolfo Valentinu.

M'hat fattu veramente impressione;  
l'nappe nadu, t'agatto tantu forte,  
come sò zertu, mandigas benone.

-Ma sò senza 'inari, in pasu t'ista.  
Chie mandigat bene, mala sorte,  
pro como est... Solamente su dentista!!

MUZOLU

---

## LIQUIDAZIONE

---

In su neguscju nou 'e s'istradone,  
b'hana postu unu bellu manifestu;  
inne su padronu, omine onestu,  
bendet sa robba cun r~~im~~issione.

"Veru regalu liquidazione,  
si ccomprades faghidelu prestu".  
-Bi sò intradu: Fid'una pretestu,  
e mi hana ispeddada che anzene.

Premurosù e gentile su cummessu,  
servindemi, addasegus de su bancu,  
mi naraia, custu est su progressu.

Ma sa robba chi happe ccompradu,  
baliait veramente...Calchi francu.  
A mie solu hana liquidadu !!!